



UNIVERSITÄTS-
BIBLIOTHEK
PADERBORN

Institutiones Dialecticæ

Dieterich, Conrad

Giessæ Hessorum, 1611

Prædicamenta.

Nutzungsbedingungen

[urn:nbn:de:hbz:466:1-56580](#)

[ut licet ejus pars non sit, sine eo tamen in quo inest, esse non possit: ut scientia inest animo, nec tamen est pars animi, nec scientia sine animo existere potest.]

VI. Regula. I. Quicquid dicitur de prædicto subjecti, idem etiam de subjecto ipso recte dicitur, ut: *Homo est animal*.

Hic animal prædicatur de homine. Ergo etiam quicquid de animali (prædicto) dicitur, ut quod sit corpus animatum, sentiens, de homine (subjecto) dicetur.

[Observe: Regulam hanc veram esse tantum, 1. in prædicationibus essentialibus. 2. in iis qua sunt ejusdem prædicamenti. Non vero in prædicationibus accidentalibus. Quia si est hoc: Petrus est doctus. Hector est fortis.]

VII. Regula II. Quæ genere differunt & differentia, specie diversa sunt, ut *homo* differt genere & differentia à *scientia*.

Scientia enim non est animal rationale. Ergo homo, scientia, & virtus, specie diversa sunt.

Hæc de Anteprædicamentis: sequuntur

PRÆDICAMENTA.

Prædicamenta sunt ordo generum & specierum sub uno genere generalissimo, quod aut substantiam aut accidens significat.

[Prædicamenta sic dicuntur, non quod prædicent, sed quod apta sint prædicari de aliis. Vnde Græcè dicuntur *natura eis*, id est, attributiones, sive prædicaciones, in quibus, ut Philippus loquitur, cernitur, quæ vocabula quibus attribuenda sint. Usus prædicamentorum hic est. 1. discernunt substantiam ab accidentibus. 2. absoluta à rebus. 3. docent è quibus domiciliis genera definitionum quærendas sint, Philipp. l. 1.]

Prædicamenta sunt decem: 1. Unum Substantiæ, Novem Accidentis. 2. Quantitatis. 3. Qualitatis. 4. Relationis. 5. Actionis. 6. Passionis. 7. Quantitudo. 8. Ubi. 9. Situs. 10. Habitus.

[Singula inclusa sunt his distichis:

Arbor 1. sex 2. servos 4. fervore 3. refrigerat 5. usus 6.
Ruri 8. cras 7. stabo 9. nec 10. tunicatus ero.

Item:

In campo 8. magno 2. pugnabat 5. fortiter 3. olim 7.
Filius 4. Arnolphi 1. stas 9. & calefactus 6. in armis 1.

I. SUBSTANTIA & C. A.

Prædicamentum Substantiæ est dispositio substantiæ per genera & species.

Substantia est Ens, quod habet proprium esse, & sustinet accidentia.

[Dicitur Substantia à subsistendo, quia per se subsistit, ne alio indiget. Græcè dicitur & C. οὐδεστις, υφίσταμαι. Accipitur aliquando latè, quatenus etiam accidentibus competit. Strictè vero quatenus accidenti oppositum, ut hoc loco. Primus autem locus ei tribuitur, quia. 1. accidentia sustinet. 2. & omnia accidentia propter substantias sunt, ad eas videlicet ornandas & perficiendas.]

Substantiæ aliæ sunt primæ, aliæ secundæ;

Primæ sunt, quæ de subjecto nullo dicuntur, & aliud nil sunt, quam individua, ut, Petrus, Paulus.

Secundæ sunt genera & species, quæ de subjecto dicuntur, ut homo.

[Dicuntur autem prima, quia secundarum sunt principia]